

Maior decet medicam *ἀσχημοσύνη* moderatio. Cuius stabiliendæ ergò, percõtabimur non nihil, quanto discrimine, à plurium sæculorum vsitata medicandi consuetudine abscedantij, quos nouorum remediorum nouis præparationibus, Asclepiadei populi primarios viros esse, vno ore plures consentiunt. Si enim rectè ominor, τὰ κενὰ καινῶς, nimirum ea, quæ communia sunt, nouo, hoc est, minus cõsueto hæctenus agēdi modo, factitare deprehendentur: vt nulla re amplius bonos viros, inter quos benè agier, dirimente, animis vtrinq; studiorum cõmunitate, eodemq; iuuandi desiderio conciliatis, iunctis viribus conferant sese ad communem humanæ salubritatis hostem, infesta morborum agmina subuertenda.

